



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odluka
o davanju saglasnosti gradonačelnici Grada Sarajeva za potpisivanje Sporazuma o realizaciji finansiranja Projekta rekonstrukcije Tvrđave Bistrik na Trebeviću kao dio Astronomske opservatorije Trebević za 2025. godinu (Prijedlog)

Predlagač: Gradonačelnica
Obrađivač: Služba za urbano planiranje, investicijske, stambene i komunalne poslove

Sarajevo, oktobar 2024. godine

Adresa: Hamdije Kreševljakovića 3
71 000 Sarajevo
Tel.: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23) i Odluke o pristupanju projektu obnove i rekonstrukcije Astronomskog opservatorija Trebević („Službene novine Kantona Sarajevo“, broj 41/21), Gradsko vijeće Grada Sarajeva, na __. sjednici održanoj dana __. __.2024. godine, donijelo je:

(Prijedlog)

Odluku
o davanju saglasnosti gradonačelnici Grada Sarajeva za potpisivanje Sporazuma o realizaciji finansiranja Projekta rekonstrukcije Tvrdave Bistrik na Trebeviću kao dio Astronomske opservatorije Trebević za 2025. godinu

Član 1.
(Predmet odluke)

Gradsko vijeće Grada Sarajeva daje saglasnost gradonačelnici Grada Sarajeva za potpisivanje Sporazuma o realizaciji finansiranja Projekta rekonstrukcije Tvrdave Bistrik na Trebeviću kao dio Astronomske opservatorije Trebević za 2025. godinu, koji će Grad Sarajevo zaključiti sa Općinom Stari Grad Sarajevo (u daljnjem tekstu: Sporazum).

Član 2.
(Finansijska sredstva)

Sredstva za finansiranje Sporazuma Grad Sarajevo će obezbijediti u Budžetu Grada Sarajeva za 2025. godinu u iznosu od 200.000,000 KM (dvijestotinehiljada) sa pozicije 615 100 – Kapitalni transferi drugim nivoima vlasti.

Član 3.
(Stupanje na snagu)

Ova odluka stupa na snagu naredni dan od dana objave u „Službenim novinama Kantona Sarajevo“.

PREDSJEDAVALAČI GRADSKOG VIJEĆA

Jasmin Ademović

Broj:
Sarajevo: __. __.2024. godine

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23) kojim je propisana nadležnost Gradskog vijeća Grada Sarajeva da donosi odluke, druge propise i opće akte i daje njihovo tumačenje.

Također, pravni osnov je i Odluka o pristupanju projektu obnove i rekonstrukcije Astronomskog opservatorija Trebević („Službene novine Kantona Sarajevo“, broj 41/21) kojom Grad Sarajevo pristupa Projektu obnove i rekonstrukcije Astronomskog opservatorija Trebević. Ovom odlukom su pobrojani objekti koji sačinjavaju kompleks Astronomskog opservatorija, a između ostalog naveden je objekat i Bistrik kule, te obaveza finansiranja projekta.

RAZLOZI DONOŠENJA

Gradsko vijeće Grada Sarajeva je dana 29.09.2021. godine usvojilo Odluku o pristupanju projektu obnove i rekonstrukcije Astronomskog opservatorija Trebević („Službene novine Kantona Sarajevo“, broj 41/21) kojom se pristupa Projektu obnove i rekonstrukcije Astronomskog opservatorija Trebević. Odlukom je izraženo opredjeljenje da Grad Sarajevo pokrene aktivnosti na ovom Projektu i zaduženi su gradonačelnica i Pravobranilaštvo Grada Sarajevo da, u okviru svojih nadležnosti, poduzimaju sve potrebne pravne, organizacijske, tehničke, administrativne i finansijske radnje i aktivnosti u cilju uspješne realizacije Projekta, kao i da poduzimaju radnje na rješavanju imovinsko-pravnih odnosa putem odgovarajućih pravnih poslova, te finansiraju sve potrebne aktivnosti u svrhu uspješnog završetka projekta.

Prijeratni Astronomski opservatorij Trebević sastoji se od 2 objekta i pristupnog platoa. Objekat Zvezdarnice izgrađen '70-tih godina prošlog stoljeća dodijeljen je Gradu Sarajevu na korištenje i pokrenute su aktivnosti u smislu analize njegovog statičkog stanja, izrade idejnog projekta i glavnog projekta i sl. Također, pristupni plato je dodijeljen Gradu Sarajevu. Drugi objekat Astronomskog opservatorija Trebević je Tvrđave-Bistrik kula na zemljištu označenom kao k.č. broj 142/3 k.o. Trebević i vlasnik je Općina Stari Grad Sarajevo.

Provodeći aktivnosti kojim je zadužena gradonačelnica u saradnji sa Općinom Stari Grad Sarajevo, kao vlasnikom i posjednikom objekta Tvrđave-Bistrik kula, a sve u skladu sa zakonskim mogućnostima, planira se sufinansirati izrada potrebne projektne dokumentacije i izvođenje radova rekonstrukcije ovog objekta sa 200.000,00 KM iz Budžeta Grada Sarajeva za 2025. godinu, a sve kao dio kompleksa Astronomskog opservatorija Trebević.

Odlukom se planiraju predviđena sredstva i daje ovlaštenje gradonačelnici Grada Sarajeva da sa Općinom Stari Grad Sarajevo u cilju realizacije ovih sredstva i ukupnog projekta zaključi Sporazum kojim će se precizirati potrebna sredstva za ulaganje, provođenje zajedničke javne nabavke, rokove pravljanja sredstava i slično.

FINANSIJSKA SREDSTVA

Finansijska sredstva će se planirati u Budžetu Grada Sarajeva za 2025. godinu na poziciji 615 100 – Kapitalni transferi drugim nivoima vlasti.